

Inatsisartut suleriaasianni § 37, imm. 1 naapertorlugu, matumuuna Naalakkersuisunut imaattunik apeqquteqarpunga:

Naalakkersuisunut apeqqutit:

- 1. Nunatta peqqinnissaqarfianut it-mik sullinneqarnermi nutaamik pisiortorfimmik nassaarnissamik ujartuisoqarpa imaluunniit qanoq assigiinngitsut amerlatigisut elektronikkkut nakorsiat journaliinik suliarinnissinnaasut misissorneqarnikuunersut Naalakkersuisut paasissutissiissutigisinnaavat?**
- 2. Kalaallit Nunaata Peqqinnissaqarfiata ataani Sundhedsplatformimut atassuserneqarsinnaaneq pillugu politikikkut suut nunatsinnilu allaffissornikkut oqaloqatigiinnerit aallarnisarneqarsimasut pillugit qanoq Inatsisartut isumaqatigiissuteqarsinnaaneq anguniarlugu peqataatinneqassanersut Naalakkersuisut nassuiaatigissanerlugu?**
- 3. Kalaallit Nunaani Sundhedsplatformip ikkussuunneqarneranut atatillugu, uani akuersissutinut, atuutsitsilernerumut, nunatsinnut pissutsinut tulluussarnermut, aqutsinermut, tapersorneqarnermut siunissamilu ataqatigiimmik aaqqissuussinerup qaffassartarnissaanut aningaasatigut kingunerisassai katillugit qanoq naatsorsuutigineqarnersut Naalakkersuisut nassuiaatigissanerlugu?**
- 4. Nunatsinni paasissutissat pigineqartut aallaavigalugit Sundhedsplatformimik atuutsitsilernissamut aqutsinermullu nammineq aningaasartuutit tamakkiisut paasissutissat pigineqartut aallaavigalugit, qanorlu nunatsinni peqqinnissaqarfiup iluani allanilu atugarissaarnermut tunngasuni pingaarnersiuiineq qanoq sunniuteqassanersoq Naalakkersuisut uppersarsarusunnerlugu?**
- 5. Sundhedsplatformimi suut nalimmassaanerit tigussaasut nunatsinni nunap sumiinnera naapertorlugu pisariaqartinneqarnersut nalilernerqarpa, oqaatsinut tunngasuni, sulisussaqaarniarnermi peqqinnissaqarnermullu ilusilersugaaneq eqqarsaatigalugu, kiisalu aqutsinermut patajaatsumut nakorsianullu isumannaatsuutitsinissami suut nalorninarnersut Naalakkersuisut nassuiarusuppat?**
- 6. Nunatsinni peqqinnissaqarfimmi atorfillit naammattumik Sundhedsplatformit atuutsilersinneqarnerani ilinniagaqarnissaat tapersorneqarnissaallu qanoq ililluni**

7. qulakkeerneqarniarpa, uani qanoq isorliunerusuni nunaqarfinnilu aqunneqassanersoq Naalakkersuisut nassuiaarusuppat?
8. Nunatsinni nakorsianut Sundhedsplatformimik atuutsitsilernerup kulturikkut inooqatigiinnullu suut kingunerisassai, uani ilanngullugit peqqinnissaqarfimmi kiffartuunneqarnermut innuttaasut isersinnaanerap, nakorsiat journalini kalaallit oqaasiisa atorneqarnerat aamma nakorsianut ataqatigiittumik toqqissisimanartumillu peqqinnissaqarfimmi misigisaqarsinnaanermut tunngasuni Naalakkersuisut nassuiaateqarusuppat?
9. Paasissutissat katersorneqartarnerinut paasissutissanillu nammineq innuttaasut qanoq pisinnaatitaaffeqarnerannut aamma peqqinnissaqarfimmi paasissutissat katersorneqarnerinut illersugaanerup aqunneqarnissaa ilanngullugu, Kalaallit Nunaanni peqqinnissaqarfik it-imik atortutigut ineriartortinneqalerpat Qallunaat Nunaanniit aqunneqartumik Naalakkersuisut nassuiaateqarusuppat?
10. EPJ-imik maannakkut atortut 2027-p kingorna taarserneqarnissaannut aaqqiissutissat allat misissorneqarsimanerlutik, uani kalaallit imaluunniit nunat avannarliit aaqqiissutissaat pillugit, aamma sooq Sundhedsplatformimut atassuteqalerneq ilumut naleqqunnerpaanersut aaqqiissutissaq pillugu Naalakkersuisut nassuiaarusunnerlutik?

(Inatsisartunut ilaasortaq Juno Berthelsen, Naleraq)

Tunngavilersuutit:

Folketingimi ilaasortamit Jacob Rosenbergimit © apeqquutigineqartumi, *Politikerspørgsmål RR-139-25 vedr. Sundhedsplatformen*¹, IT Region Hovedstad Centerimi akissutigineqarpoq ulloq 31. oktober 2025-mi, nunatta peqqinnissaqarfia Region Hovedstadimut saaffiginnissuteqarsimasooq Sundhedsplatformip (SP) iluani periarfissamik suleqateqalerniarluni, maannakkuugallartoq elektronikikkut nakorsiat journaliannut (EPJ) tapersersuineq 2027-p naanerani atorunnaarpat, aamma tassunga atatillugu Region Hovedstadi oqaloqatiginnilluni aallartissimavoq nunatsinni peqqinnissaqarfimmi periarfissat pillugit.

¹ <https://www.regionh.dk/politik/spoergsmaal-fra-regionensraad-et-til-administrationen/Documents/2025/Svar-139-25-spm-l-om-Sundhedsplatform-Groenland-stillet-af-Jacob-Rosenberg.pdf>

Akissummi takuneqarsinnaavoq nunatsinni Sundhedsplatformi atuutsinneqalersinnaasoq namminersortumik akuersisummik isumaqatigiissuteqarnikkut aamma Epic peqatigalugu aserfallatsaalinikkut, tassuunakkut sapinngisaq tamaat annertussusilimmik taamatut aaqqissuussinermi ullumikkut ingerlatseriaaseq malillugu SP atorineqarsinnaaniassammat, kisianni pisariaqartinneqartunik nalimmassaanikkut nunatsinni immikkut pissutsit aamma eqqasaatigalugit.

Paasissutissiissutigineqarpoq pisortanit inatsisitigut piumasaqaatit isumaqartut nunarput aningaasartuutitut tamaginnut aningaasaliissasoq aamma atuutsitsilernissamut aqutsinermullu isumalluutit nunatsinni Sundhedsplatformip aqunneqarneran ilanngullugu. Region Hovedstadimik allaffissornikkut oqaloqatigiinnerit aallartissimariarmata pisortanit politikikkut eqqartorneqarsimanngitsumut ersarissumillu aalajangiinissamut suleriuseqartoqarsimanngitsumut, pingaaruteqarpoq qulaani apeqqutit akineqarnissaat.

Ukiorpaalunni Sundhedsplatformi sakkortuumik isornartorsiorneqangaatsiarsimavoq. Sundhedsplatformip eqarnerujussuanut, atuisunut pitsaassusermut, nakorsianut isumannaatsuutitsinermut kiisalu aningaasatigut isornartorsiuineq sammiveqarpoq, tamannalu atorfilittanut piffissamik tatisinermik nassataqarpoq, nakorsaasersuinikkut kukkuluttornernik, inatsisitigut unioqqutitsinernik aamma aningaasartuutitnik qaffasissorujussuarnik. Ingerlatseriaaseq isornartorsiorneqarsimavoq paasiuminaatsutut piffisatornartutullu, Datatilsyn tassunga atatillugu sakkortuumik isornartorsiuivoq isumannaatsuutitsinissamik unioqqutitsinernut kukkunernullu. Taassuma saniatigut qallunaat tusagassiisarfiini Sundhedsplatformit atugaanera allaaserineqarsimavoq amerikamiut suliffeqarfiannit tunniunneqarsimasoq, amerikamiullu oqartussaasuinit innuttaasut paasissutissaannut² takunnissinnaanermik piumasaqaateqarsinnaanerat pillugu Folketingemi³ \$20-mik apeqquilliisumik pilersitsisimalluni.

Tamanna Qallunaat Nunaata kitaani pitsaasumik atuisunut atoruminartumik akikitsumillu qallunaat it-mik ingerlatseriaaseqarfianni.

Apeqqutigineqartut ullut suliffiusut qulit (10) iluanni allakkatigut akineqareersimanissaat piumasarineqarpoq. Oqaatsinik nutserisimanermi paatsuungasoqassatillugu kalaallisut allassimasoq aallaavigineqassaaq.

² <https://www.berlingske.dk/kronikker/fagfolk-fraraadede-at-koebe-sundhedsplatformen-nu-kan-amerikanske-myndigheder-kraeve-indsigt-i-dine-personfoelsomme-oplysninger>

³ <https://www.ft.dk/samling/20241/spoergsmaal/s1346/spm/index.htm>